




Controlla il progress

18 – 20 puncts	fetg bien	Num:
14 – 17 puncts	bien	Data:
10 – 13 puncts	sufficient	Puncts totals:
sut 10 puncts	buca sufficient	

CP6.1

Höre dir die einzelnen Sätze an und ordne sie den Bildern zu. Schreibe die entsprechende Nummer in das Kästchen. (4½ puncts)





CP6.2

In welchen Situationen treten folgende Gefühle auf? Beende die folgenden Sätze. (2 puncts)

a) Ventireivla/ventireivels sun jeu ...

b) Vilada ei mia mumma ...

c) Nervus/nervusa ei miu amitg/mia amitga ...

d) Lungurus hai jeu ...

CP6.3

Oje, deine Freunde rufen dich an, es geht ihnen nicht gut. Höre dir an, was sie zu sagen haben und gib ihnen einen konkreten Rat, wie sie das Problem lösen können. (3 puncts)

cussegl 1:

cussegl 2:

cussegl 3:



CP6.4

Insgesamt werden vier Wörter gesucht. Zu jedem Wort gehören fünf Sätze. Finde die vier Wörter und schreibe sie in die vier Wolken. Bemale die Wolken mit einer Farbe und übermale die Sätze, welche das Wort bestimmen, mit der gleichen Farbe. (2 puncts)

Il plaid ei in nomen.

Ins metta ella per regla entuorn culiez.

Ei setracta d'ina part dil tgierp.

Mintga carstgaun ha duas da quellas.

Per far quella activitad, drovan ins ina guila ni ina maschina.

Il plaid ei in adjectiv.

Ella drovan ins igl unviern per dar cauld.

Quei ston ins era saver far bein en ina professiun.

Sch'ins peglia freid, san ins survegnir in'inflammasiun leu.

Il plaid ei in verb.

Ei setracta d'ina color.

Sch'ins mischeida la color cun mellen, lu dat ei oransch.

Il plaid ei in nomen.

Tomatas ed il saung han quella color.

La caussa sa esser da launa.




Quei ston ins far, sch'ins less crear resti.

Ins di che quei seigi la color dalla carezia.

Quella activitad sa esser in hobi.

Quei plaid descriva in toc da vestgadira.

Ins drova ellas per udir e tedlar.



CP6.5

Lies den Text von Ludmilla Cahenzli, in dem sie argumentiert, warum sie jedes Jahr 25 Paar neue Schuhe kaufen muss. Beantworte anschliessend die Fragen dazu. (4 puncts)

Litania da calzers

Ludmilla Cahenzli

Prompt ha enzatgi mussau igl utschi a mi, cura ch'jeu hai raquintau da mia calculaziun da 25 pèra calzers ad onn. Jeu hai buca bugen, sch'ins muossa igl utschi a mi. Perquei hai jeu, Ludmilla Cahenzli, il basegns d'explicar en detagl co jeu vegn sin tons calzers.

La stad, avon che la scola entscheiva, eis ei il pli brutal. Mes treis affons drovan scalfins e calzers da gimnastica per la scola. Mia gronda isa ses scalfins adina sco in dinosaur. Aschia sa miu feagl mesaun buca pli duvrar ils scalfins da sia sora. La pintga savess atgnamain prender ils scalfins dil mesaun. Mo ella protesta: «Quei ei scalfins da buobs, quels tilel jeu buc en.» Jeu cumprel **trei pèra scalfins**.

Culs calzers da gimnastica – cun solas claras per en halla – eis ei buc aschi nausch. Cheu sa il mesaun artar quels dalla gronda. Da gimnastica ei lezza numnadamain aschi marscha ch'ils calzers vesan ora sco novs era aunc suenter in onn. Mo il commentari dalla pintga che duess prender ils calzers dil buob: «Quels tilel jeu buc en, quels toffan.» Damai ch'jeu capeschel sias resalvas – jeu targess gie era mai en calzers dad Eugen Cahenzli – survegn ella pia novs. Cun scalfins e calzers da gimnastica fussen nus gia tier **tschun pèra calzers**.

La scola entscheiva ed ei vegn l'emprema dracca. «Mumma, mes stivals da gummi ein memia pigns», di il mesaun.

«Sche pren quels dalla gronda», ditgel jeu.

«Lezs han ina ruosna.»

Jeu cumprel stivals per la gronda e per il mesaun. La pintga survegn quels dil mesaun. Era sch'ei toffan. Nus fussen tier **siat pèra calzers**.

Tuttenina ha ei num: «Nus mein sin viadi da scola. Il scolast ha detg che nus stoppien ver calzers da cuolm, schiglioc stoppien nus star a casa.»

Ludmilla va culla gronda a cumprar calzers da cuolm. **Fa otg**.

Ei vegn che bischa. Ludmilla va giun tschaler e pren neunavon ils calzers d'unviern digl onn vargau. La gronda drova secapescha novs. Ils dus pigns san segir duvrar ils veders. Mo ils calzers dil mesaun digl onn vargau ein era gia memia pigns per la pintga. Miarda, jeu vevel extra cumprau buns e cars per ch'els tegnien aunc per la pintga. Sgiavlar gida nuot. Jeu cumprel calzers d'unviern per la gronda e per la pintga, aschia che nus fussen tier diesch.

Per il sport d'unviern drova ei calzers da skis, patinas e boots. En media ei quei trei pèra calzers per stagiun. **Nus fussen tier tredisch**.

Jeu, Ludmilla, survegn da Nadal da memezza stivalets da curom, mega moderns e perquei mega cars. Ei dat novs scalfins caulds per la gronda e novs calzers d'unviern per Eugen. Lez vul atgnamein negins ed insista ch'el sappi aunc trer en ils vegls – annada 1989. Mo puncto calzers astgan ins buca tedlar sin umens. Insumma. Co vesess quei ora, sch'jeu mass a spass cun mes stivalets novs e miu um trottass suenter sco in pauper galiot cun calzeram dil davos tschentaner? En nossa contabilitad da calzers fussen nus tier 16 pèra calzers. Dil schaner tochen il mars marscha pauc arisguard calzers. Ins sa far autras investiziuns.

Avon ch'ei fa primavera mon jeu giun tschaler e prendel siado las sandalas ed ils calzers da gimnastica per la stad. Ils calzers da gimnastica vesan ora sgarscheivel. Els ein grischs e tuffus. Jeu mettel els ella maschina da lavar. Ei sorta mo pli in pèr. Tschei ei tocca. Il pèr

entir survegn la pintga. Lezza mira sin mei cun in'egliada da melli renfatschas, cura ch'ella sto empruar ils calzers. Jeu vegn bunamein loma. Mo: «Na, quella gada survegns ti negins auters.» Sulettamein ils dus gronds ston ver novs. Nus fussen tier 18 pèra.

Il buob ha l'emprema communiun. El sa tuttina buc ir en baselgia cun calzers da gimnastica.

Fa 19. La gronda drova puspei stivals da plievgia (sa sch'ins savess buc inventar stivals da gummi da stretch?). **Fa 20.** Las buobas vulan flip-flops per las vacanzas da stad. **Fa 22.** Jeu vi era flip-flops. **Fa 23.** E cura ch'jeu cumprel mes flip-flos, vesel jeu gest aunc in pèr total bialas sandalas per mei. **Fa 24.** Per cletg plaian las sandalas era ad Eugen!

Fa 23. E cura ch'jeu cumprel mes flip-flos, vesel jeu gest aunc in pèr total bialas sandalas per mei. **Fa 24.** Per cletg plaian las sandalas era ad Eugen!

Da mesa stad vegn aunc il buob – sco descuret tschei di – e drova auters calzers da gimnastica, perquei che quels ch'jeu vevel cumprau la primavera ein gia memia pigns. **Nus fussen tier 25 pèra calzers** ella contabilitad d'in sulet onn.

Ha in utschi forza aunc damondas?

- a) Tgei sorts da calzers cumpra Ludmilla Cahenzli en in onn? Noda silmeins sis differents. (1½ punct)

- b) Pertgei san ils affons giuvens da Ludmilla buca trer en ils calzers dil frar ni la sora pli veglia? Noda silmeins treis raschuns. (1½ punct)

- c) Tgei calzers has ti cumprau il davos onn? Enumerescha. (1 punct)

CP6.6

Lies im Interview unten, was Manuela Gobetti-Lutz zu den aktuellen Trends sagt und wie sie ihren eigenen Kleiderstil beschreibt. Kreuze richtig an. (2½ puncts)

Tgei trends da moda ein pil mument actuals?

Cunquei che jeu sefatschentel pil pli cun vestgadira per dunnas, sai jeu mo dar ina risposta sin quei. Questa stad vesan ins vestgius cun ina lunghezia midi. Fetg actuala ei la color alva ed in blau da glatsch. Mo era vestgadira el stil romantic san ins purtar bein. Las teilas astgan bugen era esser in tec transparentas ni cun ina tarlischur metallica. Mo era il stil minimal ei fetg actuals, quei vesan ins en schubas stretgas cun claras lingias.

Co descrivesses ti tiu stil da vestgadira persunal?

Jeu sevestgeschel in tec tenor la luna. En general hai jeu bugen vestgadira en color e cun ina certa eleganza. Jeu cumbineschel era bugen plirs stils in cun l'auter e completeschel tut cun accessoris specials e calzers extravagants.

	correct	falliu
Manuela Gobetti-Lutz ei sespecialisada sin vestgadira per dunnas.		
Fetg actuals ein vestgius cun ina lunghezia midi ni era schubas stretgas.		
Las colurs dalla sesiun ein alv e grisch.		
Manuela Gobetti-Lutz ha il pli bugen vestgadira eleganta en ner.		
Era calzers extravagants anflan ins en sia scaffa da vestgadira.		

CP6.7

Und wie ist dein Kleiderstil? Beschreibe ihn mithilfe von mindestens vier Sätzen und integriere im Text mindestens zwei Farben und zwei Kleidungsstücke. (2 puncts)
